

ՎԱՐԴԱՆՑԱՆ ԳՈՀԱՐ

ԲԱՀԱՅԻՆԵՐԻ ՏՈՄԱՐԸ, ՍՈՒՐԲ ՕՐԵՐԸ ԵՎ 19-ՐԴ ՕՐՎԱ ՏՈՆԱԿԱՏԱՐՈՒԹՅՈՒՆԸ

Ինչպես հայտնի է, համաշխարհային կրոնները՝ քրիստոնեությունը, բուդդայականությունը, մահմեդականությունը, ունեն իրենց ուրույն տոմարը: Նորագույն կրոններից մեկը՝ քահայականությունը, ևս ստեղծել է իր տոմարը, որով ներկայումս առաջնորդվում են աշխարհի տարբեր երկրներում բնակվող ավելի քան 6,5-7 միլիոն քահայիները: Մեզանում քահայիների առաջին ուսումնասիրողներից մեկը՝ Հրաչյա Աճառյանը նշում է, որ. «Բենա-Ուլլահը այնքան է առաջ գնացել, որ այն, ինչ չի կարողացել փոխել ֆրանսիական հեղափոխությունը, ինքը փոխում է. դա է ամիսների կազմությունը և տոմարը»¹: Աճառյանից առաջ Աարայետը բարիզմին և քահայիզմին նվիրված իր ուսումնասիրության մեջ ընդամենը մեկ նախադասությամբ է անդրադարձել տոմարին²: Բահայական թվարկությունը սկսվում է 1844 թվականից՝ իր առաքելության մասին Բաբի ավետումից³, և ըստ այդմ, ներկայիս 2002թ. համապատասխանում է քահայիների 158-159 թթ.:

Բահայականությունը (քահայի հավատքը) ծնունդ է առել 19-րդ դ-ում Պարսկաստանում: Այն ծագել է Բաբի ուսմունքից: Մեյեդ Ալի Մոհամմադը (1819⁴-1850), որն իրեն անվանում է «Բաբ» (արաբերեն «դուռ», «դարպաս»), 1844թ-ի մայիսի 23-ին⁵ հայտարարում է, որ ինքն է այն ավետվածը, որին փնտրում են շեյխիները: Նա ասում է, որ ինքը Աստծո պատգամաբերն է և Հիսուսի, Մոհամմեդի և Գրանց նախորդների առաքելության շարունակողը: Դրանից հետո Բաբը իր հետևորդներին ուղարկում է երկրի տարբեր կողմեր՝ ավետելու ուրիշ, ավելի մեծ պատգամաբերի՝ «նրա, ում ի հայտ կբերի Աստված» մոտալուտ գալուստը: Բաբն իր վարդապետության պատճառով ենթարկվում է հալածանքների և հրապարակայնորեն զնդակահարվում 1850թ.⁶ հուլիսի 9-ին Թավրիզում:

Բաբի մահվանից հետո նրա գործը շարունակում է նրա աշակերտներից մեկը՝ Միրզա Հուսեյն Ալին, որն իրեն անվանում է Բահաուլլահ (1817-1892): Թեև նա ընդհանուր առմամբ հետո աքսորվելով Բաղդադ, Ռիդվան այգում (արաբ. ռիդվան՝ դրախտ) նա 1863թ. ապրիլի 21-ին

հրապարակայնորեն հայտարարում է իր առաքելության մասին, որ ինքն այն ավետվածն է, որի գալստյան մասին պատգամել էր Բաբը: Նրա մահից հետո, կտակի համաձայն, ավագ որդի Աբրահա Էֆենդին (1844-1921), որը ուներ Աբդուլ-Բահա տիտղոսը, նշանակվեց Բահաուլլահի ժառանգորդ, նրա ուսմունքի մեկնաբան, գործի շարունակող⁷: Աբդուլ-Բահայի մահից հետո նրա ավագ թոռ Շողի Էֆենդին (1897-1957) ճանաչվեց բահայի հավատքի պահապան և «Քիթաբ-ի-Ակդասի»⁸ մեկնաբան: Նրա ղեկավարման ժամանակ կազմավորվեց բահայիների վարչական կարգը: Ներկայումս հավատի գերագույն մարմինը Արդարության համաշխարհային տունն է, որը հիմնադրվել է 1963թ., և գտնվում է Իսրայելի Հայֆա քաղաքում:

Բաբը, լինելով մոր կրոնի հիմնադիրը, սահմանեց մոր տոմար, որը հայտնի է Բադի⁹ կամ Բահայի օրացույց անուններով: Ըստ Բաբի ստեղծած օրացույցի տարին կազմված է 19 ամսից, յուրաքանչյուրը՝ 19 օրից¹⁰: Լրիվ տարվա համար չի բավականացնում 4 օր (մահանջ տարում՝ 5): Բաբը իր մոր օրացույցի մեջ չի սահմանել այս օրերի ճիշտ տեղը: Բահաուլլահը «Քիթաբ-ի-Ակդասում» այդ օրերին տվել է անվանում և սահմանել նրանց հաջորդականությունը. «Օրերը, որոնք մնում են ամիսներից, թող դրվեն Ծոմի ամսից առաջ: Մենք այդպես ենք արել, որպեսզի նրանք բոլոր գիշերների և ցերեկների միջև լինեն որպես «Հա» տառի դրսևորումներ...»¹¹: Այդ հավելյալ՝ նշանակովի կամ միջանկյալ օրերը, կոչվում են Այամ-ի-Հա¹² (արաբերենից թարգմանվում է Հա-ի օրեր¹³), և դրվում են 18-րդ (Մուլդ-իշխանություն) ամսվանից հետո և 19-րդ ամսից (Ալա-վսեմություն) առաջ: Այսպիսով, բահայական օրացույցը համապատասխանեցվում է արեգակնային տարվան: Բահաուլլահը պատվիրել է, որ այս օրերը լինեն հյուրասիրության, տոնակատարության, ուրախության և բարեգործության օրեր. «Այս օրերին բահայիներին վայել է կազմակերպել լավ հյուրասիրություն՝ իրենց և իրենց հարազատների համար, և բացի նրանցից՝ նաև աղքատների և կարիքավորների համար և ուրախությամբ ու ցնծությամբ ողջունել և փառաբանել Ձեր Տիրոջը, գովերգել և մեծարել Նրա անունը...»¹⁴:

Այամ-ի-Հան սկսվում է փետրվարի 26-ին և տևում մինչև մարտի 1-ը ներառյալ: Այամ-ի-Հա-ին նվիրված Բահաուլլահի աղոթքում մասնավորապես գրված է. «Աստված, ի՛մ Բոց և ի՛մ Լույս: Ահա սկսվեցին օրերը, որոնց Դու Զո Գրքում անվանել ես Այամ-ի-Հա, ով Անվանումների Արքա, եւ մոտ է պասը՝ (իմա՝ ծոմը-Գ.Վ.) հրահանգված Զո Վեհագույն Գրչով, մախատեսված բոլորի համար, ով Զո արարչագործման Թագավորությունում է»¹⁵:

Բաբը իր «Բայան»¹⁶ (պարսկերեն «Հայտնություն», «Մեկնություն») գրքում Ալա ամիսը սահմանել է որպես ծոմի ամիս, որը տևում է մարտի

2-ից մինչև մարտի 20-ը ներառյալ: Ծոմապահության ընթացքում հավատացյալները պետք է արևածագից մինչև մայրամուտ հրաժարվեն սննդից, ջրից և ծխախոտից¹⁷: Բահաուլլահի աղոթքներում ծոմի համար նույնպես կա հատուկ աղոթք, որտեղ մասնավորապես ասվում է. «Տե՛ր իմ, ահավասիկ այն օրերը, որ Դու հրամայել ես Քո ծառաներին պաս պահել: Երանավետ է նա, ով ամբողջովին պահպանում է պասը (իմա՝ ծոմը -Գ.Վ.) հանուն Քեզ եւ լիովին հրաժարվելով ամենից, Քեզանից բացի: Օգնիր ինձ և նրանց, ով Տեր, հնազանդվել Քեզ և հետևել Քո պատվիրաններին»¹⁸:

Ըստ Շողի Էֆենդիի ծոմի ժամանակահատվածը «... իր էությանը խորհելու և աղոթքների ժամանակ է, հոգևոր վերածննդի ժամանակաշրջան, երբ հավատացյալը պետք է ձգտի իր ներքին կյանքում անհրաժեշտ փոփոխությունների իրականացմանը, նրա հոգում ննջած հոգևոր ուժերի վերականգնման և ամրապնդման: Այսպիսով, իր իմաստով և նշանակությամբ ծոմը հանդիսանում է խորը հոգևոր օրենք: Ծոմը խորհրդանշական ելիշեցում է եսասիրության և մարմնական ցանկությունների հաղթահարման անհրաժեշտության մասին»¹⁹:

Ծոմից ազատվում են մինչև 15 և 70-ից բարձր տարիք ունեցողները, հղի և կերակրող կանայք, ծանր աշխատանք կատարողները, հիվանդները և ճամփորդողները²⁰: Շողի Էֆենդին ավելացրել է, որ չնայած ճանապարհորդության մեջ գտնվողները ազատվում են ծոմից, սակայն նրանք, ըստ իրենց ցանկության, կարող են ծոմ պահել: Նա նաև պատվիրել է, որ աշխատանքի տեսակները, որոնք ենթադրում են ծոմից ազատում, որոշի Արդարության համաշխարհային տունը²¹:

Ծոմին հաջորդում է բահա ամիսը, որն ըստ բահայի օրացույցի տարվա առաջին ամիսն է: Ամեն ամսվա առաջին օրը նույնպես կոչվում է բահա²²: Բաբը 19 ամիսներին տվել է արաբերեն անուններ²³, որոնք արտահայտում են Աստծո որոշ հատկանիշներ.

1. Բահա (վեհություն)	մարտի 21 - ապրիլի 8
2. Ջալալ (փառք)	ապրիլի 9 - ապրիլի 27
3. Ջամալ (զեղեցկություն)	ապրիլի 28 - մայիսի
4. Ազամաթ (հիասթանչ)	մայիսի 17 - հունիսի 4
5. Նուր (լույս)	հունիսի 5 - հունիսի 23
6. Ռահմաթ (գթություն)	հունիսի 24 - հուլիսի 12
7. Քալիմաթ (բառեր)	հուլիսի 13 - հուլիսի 31
8. Քամալ (կատարելություն)	օգոստոսի 1 - օգոստոսի 19
9. Ասմա (ամուսններ)	օգոստոսի 20 - սեպտեմբերի 7
10. Ի՛զգա (զորություն)	սեպտեմբերի 8 - սեպտեմբերի 26
11. Մաշիիյա (կամք)	սեպտեմբերի 27 - հոկտեմբերի 15
12. Իլմ (գիտություն)	հոկտեմբերի 16 - նոյեմբերի 3

13. Կոտրաթ (ուժ)	նոյեմբերի 4 - նոյեմբերի 22
14. Կառու (խոսք)	նոյեմբերի 23 - դեկտեմբերի 11
15. Մասաիլ (հարցեր)	դեկտեմբերի 12 - դեկտեմբերի 30
16. Շարաֆ (պատիվ)	դեկտեմբերի 31 - հունվարի 18
17. Մուլտան (տիրապետություն)	հունվարի 19 - փետրվարի 6
18. Մուլք (իշխանություն)	փետրվարի 7 - փետրվարի 25
Նշանակովի օրեր	փետրվարի 26 - մարտի 1
19. Ալա (վսեմություն)	մարտի 2 - մարտի 20:

Շարաֆվա յուրաքանչյուր օրը և ունի իր անվանումը²⁴, որը նույն-
պես Աստծո որդի հատկանիշների բնութագրումն է.

Երկուշաբթի՝	Քամալ (կատարելություն)
Երեքշաբթի՝	Ֆաղլ (գթասրտություն)
Չորեքշաբթի՝	Ադլ (արդարություն)
Հինգշաբթի՝	Իսթիզլալ (վեհություն)
Ուրբաթ՝	Իսթիկլալ (անկախություն)
Շաբաթ՝	Ջալալ (փառք)
Կիրակի՝	Ջամալ (գեղեցկություն)

Հետաքրքրական է, որ բահայիների օրը սկսվում է արևամուտից և տ-
ևում մինչև հաջորդ օրվա մայրամուտը²⁵:

Բահա ամսվա առաջին օրը՝ մարտի 21-ը, բահայիների Նոր տարին է՝
Նովրուզը: Բահաուլլահը «Քիթաբ-ի-Ակդասում» այդ օրվա մասին գրում է.
«Երջանիկ է նա, ով մտնում է Բահա ամսվա առաջին օրը... Ճշմարտա-
պես, այս օրը բոլոր ամիսների պսակն ու նրանց ակունքն է, օր, երբ կյան-
քի շունչը փչում է յուրաքանչյուր արարչագործության վրա: Անսահման
երջանիկ է նա, ով ողջունում է այն փայլի և ուրախության մեջ»²⁶: Նա նաև
Նովրուզին նվիրված աղոթք ունի. «Գու՛ք Քեզ, օ՛ իմ Աստված, այն բանի
համար, որ Նովրուզը դարձրեցիր տոն բոլոր նրանց համար, ովքեր պաս
(իմա՝ ծոմ-Գ.Վ.) են պահում հանուն Քո սիրո եւ ովքեր ձեռնպահ են մնում
այն ամենից, ինչը հակառակ է Քեզ: Թո՛ղ, ո՛վ Աստված, Քո սիրո հուրը և
Քո կողմից սահմանված պասի (իմա՝ ծոմ-Գ.Վ.) տապը բոցավառի
նրանց՝ հանուն Քո Գործերի և արթնացնի՝ գովերգելու և հիշատակելու
Քեզ»²⁷: 1997թ. Երևանում տպագրված Արամ Մարգարյանի «Հոգևոր
ճնշման ճիրաններում» գրքում հեղինակը գրել է, որ բահայիների տարին
սկսվում է մարտի 19-ից²⁸, սակայն ինչպես արդեն նշել ենք, այն սկսվում է
մարտի 21-ից՝ զարմանային գիշերահավասարից:

Բահայական հավատում գոյություն ունեն 9 սուրբ օրեր²⁹, որոնց ըն-
թացքում չպետք է աշխատել և օրը նվիրել աղոթքներին և սուրբ գրու-
թյունների ընթերցանությանը.

1. Նոր տարի (Նովրուզ)	մարտի 21
2. Ռիդվանի առաջին օր	ապրիլի 21

3. Ռիդվանի իններորդ օր	ապրիլի 29
4. Ռիդվանի տասներկուերորդ օր	մայիսի 2
5. Բաբի հայտնության օր	մայիսի 23
6. Բահաուլլահի համբարձման օր	մայիսի 29
7. Բաբի նահատակության օր	հուլիսի 9
8. Բաբի ծննդյան օր	հոկտեմբերի 20
9. Բահաուլլահի ծննդյան օր	նոյեմբերի 12:

Ի հիշատակ Աբդուլ-Բահայի նշվում է ևս երկու տարեվից³⁰, չնայած այդ օրերին աշխատանքը չի դադարեցվում.

Պատգամի օր	նոյեմբերի 26
Աբդուլ-Բահայի մահվան տարեվից	նոյեմբերի 28:

Նովրուզը, Ռիդվանը (Ռիդվանի առաջին, իններորդ և տասներկուերորդ օրերը), Բաբի և Բահաուլլահի ծննդյան օրերը, ինչպես նաև Բաբի հայտնության օրը, որը համընկնում է Աբդուլ-Բահայի ծննդյան օրվան, բահայիների համար հանդիսանում են մեծ ուրախության և տոնի օրեր: Բաբի նահատակման, ինչպես նաև Բահաուլլահի և Աբդուլ-Բահայի համբարձման օրերը ամեն տարի նշվում են հավաքություններով, կարդացվում են աղոթքներ և հատվածներ սուրբ գրություններից:

Հրաշյա Աճառյանը «Կյանքիս հուշերում» գրքում մի փոքր անդրադարձել է բահայիների տոմարին և գրել, որ բահայիների տոներից մեկը՝ Բաբի հայտնության օրը, 1844թ. մայիսի 23-ը, զուգադիպում է Բեհա-Ուլլահի ծննդյան օրվան³¹: Սակայն Բաբի հայտնության օրը համընկնում է ոչ թե Բահաուլլահի, այլ նրա որդու և գործի շարունակողի՝ Աբդուլ Բահայի ծննդյան օրվան: Ա. Սարգսյանը նույնպես իր վերոնշյալ գրքում գրում է, որ բահայիների տոներից մեկը՝ Բահաուլլահի ծննդյան օրը, նշվում է մայիսի 23-ին³², սակայն, ինչպես արդեն նշեցինք, մայիսի 23-ը Բաբի հայտնության և Աբդուլ Բահայի ծննդյան օրն է, իսկ Բահաուլլահի ծննդյան օրը 1817թ. նոյեմբերի 12-ն է: Ըստ Ա. Սարգսյանի, բահայիների տոներից առաջինը սկսվում է ապրիլի 24-ին³³, սակայն բահայիների մեծագույն տոնը՝ Ռիդվանը, սկսվում է ոչ թե ապրիլի 24-ին, այլ ապրիլի 21-ին: «Իրանագիտության հարցեր» ժողովածուում Հ. Փահլևանյանը «Բաբիզմը որպես իմպերիալիզմի գաղափարախոսություն»³⁴ իր հոդվածում գրում է, թե Բահաուլլահը 1867թ. է իրեն հայտարարում այն նոր մարգարեն, որի հայտնությունը գուշակել էր Բաբը, ինչը գուցե վրիպակի արդյունք է: Ինչպես արդեն նշել ենք, Բահաուլլահն իր առաքելության մասին հայտնել է 1863թ. Բաղդադի Ռիդվան այգում: Վերապատվելի Հերբլտ Հասեսյանն իր «Աղանդներ՝ քրիստոնեական ճշմարտության պրիսմակեն» (Բեյրութ, 1992) գրքի բահայականության վերաբերյալ գլխում գրում է, որ Բաբի իսկական անունը Սիրզա Հուսեյն Ալի³⁵ է, այնինչ դա Բահաուլլահի անունն է, իսկ Բաբի անունը Սեյեդ Ալի Մոհամ-

մատ է: Նա շփոթել է նաև Բաբի ծննդյան թիվը և վայրը, նշելով 1817թ. Թեհրան³⁶: 1817թ. Թեհրանում ծնվել է Բահաուլլահը, իսկ Բաբը ծնվել է 1819թ.՝ Շիրազում:

Բահայիների մեծագույն տոմը Ռիդվանն է, այսինքն այն տասներկու օրերը, որոնց ընթացքում Բահաուլլահն ավետեց իր առաքելության մասին: Բահաուլլահն իր ավետումն անվանել է «Բարձրագույն երանության օր»³⁷ և այն ամեն տարի նշվում է որպես 12-օրյա Ռիդվանի տոն, որը Շուրի Էֆենդին անվանել է «բահայի տոներից ամենասուրբը և նշանակալիցը»³⁸: Այս տոնի ընթացքում են տեղի ունենում բահայիների Հոգևոր ժողովների ընտրությունները:

Բահայական օրացույցի յուրաքանչյուր ամսվա առաջին օրը բահայիները հավաքվում են և նշում 19-րդ օրվա տոնակատարությունը, որը կազմում է բահայիների վարչական կարգի մի մասը:

Բաբը «Բայան» գրքում այս հանդիպումների մասին գրել է, որ հավատացյալները 19 օրը մեկ անգամ պետք է հավաքվեն, որպեսզի ցուցաբերեն հյուրասիրություն և բարեկամություն³⁹:

Արդուլ-Բահան գրել է, որ «եթե այս տոնակատարությունը անցկացվի ինչպես հարկն է, ապա 19 օրը մեկ անգամ բարեկամները հոգեպես կվերածնվեն և կօժտվեն ուժով, որը տրվում է ի վերուստ»⁴⁰: Շուրի Էֆենդին 19-րդ օրվա տոնակատարությունը վերածեց հավատի ինստիտուտի և նրա հոգևոր և հասարակական (սոցիալական) մասերին ավելացրեց նաև վարչական մասը, որի ժամանակ անցկացվում են խորհրդակցություններ⁴¹:

Ամբողջ տոմը բաղկացած է երեք մասերից: Առաջին մասում կարդացվում են աղոթքներ և հատվածներ բահայիների սուրբ գրվածքներից, ինչպես նաև այլ կրոնների սուրբ գրքերից՝ օրինակ Աստվածաշնչից, Ղուրանից⁴²: Մական հետագայում Շուրի Էֆենդին նշում է, որ քանի որ հավատացյալները հավաքվում են միասին ավելի խորը հասկանալու իրենց հոգևոր ուսմունքը, նախընտրելի է տոնի աղոթքի մասում ընթերցել հատվածներ բահայի հավատքի սուրբ գրվածքներից⁴³: Ինչպես աղոթքի մասում, այնպես էլ տոնի մյուս բաժիններում կարող են հնչել երաժշտություն, Բաբի, Բահաուլլահի և Արդուլ-Բահայի գրվածքների հիման վրա գրված երգեր⁴⁴: Երկրորդ մասում բոլոր հավատացյալները քննարկում են համայնքի գործերը, անցկացնում խորհրդակցություն: Նրանք կարող են առաջարկներ անել, հարցեր տալ: Տեղական Հոգևոր ժողովի ներկայացուցիչը ներկայացնում է իրենց ընդունած որոշումները, կարդացվում են Արդարության համաշխարհային տան ուղերձները և մասնակները: Տեղական Հոգևոր ժողովի զանձապահը ներկայացնում է հաշվետվություն, որից հետո կատարվում է զադտնի հանգանակություն, որը գրանցվում է և օգտագործվում համայնքի կարիքների համար: Եզրա-

փակիչ մասը նվիրվում է հյուրասիրությանը և ընկերների հետ շփմանը: Կարող են ցուցադրվել փոքրիկ ներկայացումներ, կազմակերպվել խաղեր և այլ զվարճություններ:

Մկրտնապես 19-րդ օրվա տոնակատարությունը նախատեսված էր միայն բահայիների համար, քանի որ ոչ բահայիների մասնակցությունը հատկապես նրա խորհրդակցական մասին, հակասում էր վարչական կառույցի գործունեությանը, որի համաձայն ոչ բահայիները չեն հրավիրվում տոնակատարությանը⁴⁵: Մականյն հետագայում Արդարության համաշխարհային տունը Ավստրալիայի Ազգային հոգևոր ժողովին ուղղած իր նամակում գրում է, որ «Եթե ոչ բահային այդուհանդերձ ներկա է գտնվում տոնին, ապա չի կարելի խնդրել նրան թողնել հանդիպումը, ընդհակառակը, Հոգևոր ժողովը պետք է չեղյալ հայտարարի տոնի խորհրդակցական մասը և հյուրընկալությամբ ողջունի ոչ բահայուն»⁴⁶: Այսպիսով, քանի որ այս տոնը համայնքի փակ, ներքին իրադարձություն է, ոչ բահայիները չեն կարող մասնակցել խորհրդակցական մասին, իսկ մյուս երկու մասերին՝ հոգևոր և հասարակական, կարող են մասնակցել:

Այն բահայիները, որոնք պատկանում են ուրիշ համայնքի, սակայն հյուր են այս տոնին, կարող են մասնակցել երեք մասերին, սակայն քվեարկելու իրավունք չունեն:

Շողի Էֆենդին իր նամակներից մեկում 19-րդ օրվա տոնակատարության հաճախումը պարտադիր չի համարում, սակայն նշում է, որ այն շատ կարևոր է, և յուրաքանչյուր հավատացյալ իր մասնակցությունը այդպիսի հանդիպումներին պետք է համարի «իր պարտքն ու առավելությունը»⁴⁷: Նա այս հանդիպումների նշանակության մասին գրում է, որ դրանք «...ոչ միայն հոգեկան ազդեցություն են ցուցաբերում, այլև հանդիսանում են կենսական անհրաժեշտ միջոց պահպանելու սերտ և մշտական կապ տեղական համայնքի հավատացյալների, ինչպես նաև հավատացյալների և նրանց ընտրական մարմնի անդամների միջև»⁴⁸:

Տոնակատարության անցկացման համար ընտրվում է նախագահ, որը կարող է լինել 21 տարեկանից բարձր յուրաքանչյուր հավատացյալ: Նույնիսկ այս տոնակատարության ամեն մի մասի համար կարող են ընտրվել տարբեր նախագահներ: Այս հանդիպումներն անցկացնելու համար պատասխանատու է Տեղական հոգևոր ժողովը⁴⁹, և այն վայրում, որտեղ չկա Տեղական հոգևոր ժողով, 19-րդ օրվա տոնակատարությունը պաշտոնական վարչական նշանակություն չի ունենում և հավատացյալները կարող են մասնակցել մոտակա վայրում գտնվող Տեղական հոգևոր ժողով ունեցող համայնքում տեղի ունեցող տոնակատարությանը: Հայֆայում՝ Արդարության համաշխարհային տանը, պաշտոնապես այս հանդիպումները տեղի չեն ունենում, քանի որ այնտեղ Տեղական հոգևոր ժողով չկա:

Հայաստանում 1992թ. նույնպես կազմավորվել է բախայիների համայնք, որը 1994թ. ՀՀ կառավարությանն առընթեր կրոնի գործերի պետական խորհրդում գրանցվել է որպես «Երևանի բախայիների համայնք», այնուհետև «Հայաստանի Բախայիների համայնք» անվամբ գրանցվել է 1996, 1998 և 2000թթ.:

Հայաստանի բախայիների թիվը ըստ Ազգային Հոգևոր ժողովի կողմից ներկայացվող տվյալների 1998թ.՝ 210, 1999թ.՝ 500, 2000թ.՝ 452, 2001թ.՝ 350-400: Ի դեպ, համայնքում բացի հայերից կային նաև Հայաստանի ուրաղ ազգային փոքրամասնությունների ներկայացուցիչներ: 2000թ. Հոգևոր ժողովների ընտրություններում ընտրվել է 23 Տեղական Հոգևոր ժողով (1997թ.՝ 17): 2001թ. ապրիլի 21-ի ընտրություններին ընտրվել է 15 Տեղական հոգևոր ժողով (Երևան, Գյումրի, Ապարան, Էջմիածին, Արմավիր, Ստեփանավան, Արթիկ, Գորիս, Կապան, Թալին, գ.Արդանիշ, գ.Ուռուտ, գ.Մելիք, գ.Բերքառատ, գ.Նիգավան): 2002թ., ըստ մեր դիտարկումների, համայնքը զգալիորեն կրճատվել է և ընտրվել է 5 Տեղական Հոգևոր ժողով (Երևան, Գյումրի, Ապարան, Արմավիր, Ստեփանավան):

Հայաստանի բախայիները, ինչպես աշխարհի իրենց հավատակիցները, նույնպես նշում են բախայական վերոնշյալ տոները և սուրբ օրերը:

VARDANYAN GOHAR

THE BAHAI'S CALENDAR, HOLY DAYS AND NINETEEN DAY FEAST (Summary)

The world religions such as Christianity, Buddhism and Islam have their own calendars. One of the modern religions - Baha'i faith, has also created its own calendar by which about 6.5 - 7 million Bahais are led. The Baha'i faith has originated in Iran in 19-th century by Baha'u'llah, one of the followers of Bab.

According to the new calendar established by Bab /which is known as Badi or Baha'i calendar/ the year is comprised of 19 months, each month is comprised of 19 days. There are 9 holy days in Baha'i faith. On each first day of the month the Bahais meet and celebrate the Nineteen Day Feast.

In 1992 the Armenian Baha'i community was emerged in Armenia. The Bahais of Armenia like the other followers of the Bahai faith in the world also celebrate the Bahai feasts and holy days.

ԾԱՆՈԹԱԳՐՈՒԹՅՈՒՆՆԵՐ

1. Աճառյան Հ., Կյանքիս հուշերից, Երևան, 1967, էջ 384:
2. Ատրպեյտ, Իմամաթ, Ալեքսանդրապոլ, 1906, էջ 61:
3. Momen W., A basic baha'i dictionary, Oxford, 1991, p. 35, 49; Перкинс М., Хейнсворт Ф., Вера бахаи, Москва, 1992, с. 81; Эсслемент Дж. Э, Баха-

- Улла и новая эра, Екатеринбург, 1991, с. 176; Составитель Дустдар Ф., Новые духовные ценности, Учение бахаи, Москва, 1992, с. 215.
4. Հիմնականում Բաբի ծննդյան թիվը նշված է 1819թ. հոկտեմբերի 20-ը, իսկ որոշ աղբյուրներում Иванов М., С., Антифеодальные восстания в Иране в середине XIX в., Москва, 1982, стр. 90 նշված է 1920թ. հոկտեմբերի 9-ին; Ислам, Энциклопедический словарь, Москва, 1991; стр. 33; Encyclopedie de l'islam, tome I, Paris, 1960, p. 856, երկու թիվն էլ ընդունում է:
 5. Հիմնականում Բաբի հայտնության օրը գրված է 23 մայիսի 1844թ., իսկ Батюшков Г., Бабыды, Персидская секта, "Вестникъ Европы", Санктпетербургъ, 1897, стр. 339, Кузнецова Н. А., Иран в первой половине XIX века, Москва, 1983, стр. 203, նշված է 12 մայիսի 1844թ.:
 6. Ислам, Энциклопедический словарь, Москва, 1991, стр. 33, գրված է, որ Բաբը մահապատժի է ենթարկվել 1847թ. հուլիսի 9-ին, այնինչ Բաբը մահապատժի է ենթարկվել 1850թ. հուլիսի 9-ին:
 7. Завет, Санкт-Петербург, 1997, стр. 12.
 8. «Զիբուր ալ - Ակդա» արարերեն «Ամենասուրբ գիրք», րահայինների սուրբ գիրքն է, որը Բահաուլլահը գրել է 1873թ.՝ Աքքայում, արարերեն լեզվով:
 9. պարսկերեն նշանակում է հրաշալի, շքեղ, նորույթ, նորահմար, Նալրամդյան Գ. Մ., Պարսկերեն-հայերեն բառարան, Երևան, 1987, էջ 81:
 10. Бахаулла, Китаб-и-агдас, Санкт-Петербург, 1998, с. 85, 218.
 11. Бахаулла, Китаб-и-агдас, с. 41.
 12. Там же, с. 41, 219.
 13. Արարական այբուբենի այս տառը արջադ համակարգում ունի «հինգ» թվային նշանակությունը: Նաև Սուրբ գրություններում «Հա» տառին տրվում է հոգևոր նշանակություններ, որոնցից է «Աստծո էություն» նշանակությունը:
 14. Там же, с. 41.
 15. Հաղորդություն Աստծո հետ, Երևան, 1996, էջ 65; Молитвы бахаи, открытые Бахауллои, Бабом, Абдул-Баха, Алматы, 1998, с. 131:
 16. Բաբի գրած օրենքների գիրքն է, որը նա գրել է պարսկերեն և արարերեն:
 17. Бахаулла, Китаб-и-агдас, с. 42, 221.
 18. Հաղորդություն Աստծո հետ, էջ 68; Молитвы бахаи, с. 133:
 19. Бахаулла, Китаб-и-агдас, с. 216.
 20. Там же, с. 39, 42, 220; Перкинс М., Хейнсворт Ф., Вера бахаи, с. 46.
 21. Бахаулла, Китаб-и-агдас, с. 220.
 22. Там же, с. 285.
 23. Yarshater E., Encyclopaedia Iranica, London and New York, 1989, Volume III, p. 446; Momen W., A basic baha'i dictionary, p. 158; Faizi G., The Baha'i Faith, New Delhi, 1990, p. 105; Эсслемонт Дж. Э, Баха-Улла и новая эра, с. 176.
 24. Momen W., A basic baha'i dictionary, p. 65; Гувьон К., Жувьон Ф., Садовники господа, Санкт-Петербург, 1993, с. 105.
 25. Бахаулла, Китаб-и-агдас, с. 217; Momen W., A basic baha'i dictionary, p. 49, 65; Перкинс М., Хейнсворт Ф., с. 82; Гувьон К., Жувьон Ф., с. 103.
 26. Бахаулла, Китаб-и-агдас, с. 80.
 27. Հաղորդություն Աստծո հետ, էջ 68; Молитвы бахаи, с. 135:
 28. Մարգարյան Ա., Հոգևոր ճնշման ճիշահներում, Երևան, 1997, էջ 29:

29. Бахаулла, Китаб-и-агдас, с. 284; Momen W., A basic baha'i dictionary, p. 103; Yarshater E., Encyclopaedia Iranica, p. 447.
30. Бахаулла, Китаб-и-агдас, с. 285; Faizi G., The Baha'i Faith, New Delhi, 1990, p. 118; Բահայական համայնքը, հիմունքները, նպատակները և մտադրությունները, Երևան, 1996, էջ 14:
31. Աճառյան Հ., Կյանքիս հուշերից, Երևան, 1967, էջ 384:
32. Սարգսյան Ա., Հոգևոր ճնշման ճիրաններում, Երևան, 1997, էջ 29:
33. Նույնը, էջ 29:
34. Իրանագիտության հարցեր, Ա մատենաշար, Երևան, 1978, էջ 42:
35. Հաստիսեան Հ., Աղանդներ՝ քրիստոնեական ճշմարտության պրիսմակէն, էջ 315:
36. Նույնը, էջ 315:
37. Бахаулла, Китаб-и-агдас, с. 267.
38. Там же, с. 268.
39. Там же, с. 252.
40. Абдул-Баха, Избранное из писании, Санкт-Петербург, 1995, с. 83.
41. Бахаулла, Китаб-и-агдас, с. 253.
42. Праздник Девятнадцатого дня, Сборник цитат из Писаний Бахауллы, Абдул Баха, Шоги Эффенди, Дома Справедливости, Санкт-Петербург, 1994, с. 36.
43. Там же, с. 37.
44. Там же, с. 37, 38.
45. Там же, с. 29, 31.
46. Там же, с. 31.
47. Бахаулла, Китаб-и-агдас, с. 253.
48. Праздник Девятнадцатого дня, с. 25.
49. Ռեյհանի Ֆ., Վարչական կարգը, Երևան, 1996, էջ 71: